

JOÃO TỸ CARTA HAN VÉN

Topê vĩ

1 ¹Topê tỹ ver nén kar han tũg ki tóg nĩ nĩ, Topê vĩ ti, hã vỹ: Jesus Cristo, he mũ. Topê tỹ Jesus mré nén ù kar hyn han kỹ tóg rĩr nĩ, Topê vĩ ti. Sỹ ãjag mỹ Jesus Cristo tag kãmén ke vë. Mẽ inh, ti vĩ ti. Ti ve inh ke gé, inh kanê tỹ. Ti ki inh êvãnh, ti vóg inh, inh nĩgé tỹ. ²Ëg rĩnrĩn tĩ ên vỹ vënh ven, hã kỹ sóg ti vé. Ti hã tó sóg tĩ, hã kỹ sóg ãjag mỹ ti kãmén mũ. ã tỹ nén kar han tũg ki tóg kã nĩ nĩ, ù tỹ ti han ja tũ hã ra. Ên kã tóg ã panh mré nĩ ja nĩ sir. Hã ra tóg ãg mỹ vënh ven. ³Kỹ sóg ti vé. Ti vĩ mẽ sóg ke gé. Hã kỹ sóg ãjag mỹ ti kãmén mũ ha, ãjag tỹ inh mré ti ki kanhrãh jé. Ëg jóg tỹ Topê mré ke vỹ tỹ ãg nỹtĩ, ti kósin tỹ Jesus Cristo mré ke ke gé, kỹ ãg tóg tỹ jagnê mré ke nỹtĩ gé. ⁴ãjag mỹ sóg tag rán kỹ jënê sór mũ, ti tỹ ãjag mỹ sér tĩ jé, ãjag mỹ há tãvĩ tĩ jé ke gé.

Topê vỹ jëngrê ri ke nĩ

⁵Ha vé, ti tỹ ãg mỹ nén tó mũn hã vë, ha mẽ. Ti vĩ mẽ kỹ sóg ãjag mỹ tó sór mũ, ha mẽ. Topê vỹ jykre kuryj nĩ, hã kỹ tóg kurã ri ke nĩ, jëngrê ri ke, ki kuty tũ pẽ ti nĩ, Topê ti.

⁶Kỹ, ãg tỹ: “ti mré ke vỹ tỹ inh nĩ,” hen kỹ ãg tóg kuty ki vënh jykre kórég ên han ke tũ nĩ, ke tũ ra ãg ón kỹ: “ti mré ke vỹ tỹ inh nĩ,” he tĩ. Vënh ó vë sir. Kỹ ãg tóg ón kỹ nén ù kar han tĩ gé. ⁷Ëg tỹ ti kóm kurã ki vënh jykre há ên han kỹ ãg tóg jagnê to há nỹtĩ. Jagnê mré ke vỹ tỹ ãg nỹtĩ, ãg tỹ vënh jykre há han kỹ. Kỹ ti kósin tỹ Jesus vỹ ãg kykũnh ke mũ sir, ã kyvënh tỹ, ãg tỹ ti vĩ mranh ja (hã) ra.

⁸Û tóg kejën: “inh pi(jé) Topê vĩ mranh tĩ,” he sór mũ. Ti ón vë. Hã ra tóg ti hã mỹ tỹ vënh vĩ há mẽ tĩ, ti ón mũ ti. ⁹Ëg tỹ Topê vĩ mranh kỹ ãg tóg ti mỹ tónh ke mũ. “ã vĩ mranh inh, tag han kỹ,” he jé ãg tóg ke mũ. Kỹ tóg ãg mỹ vënh pãte fón ke mũ sir. Tag tó ja ti nĩ, kỹ tóg han ke mũ. Kuryj ti nĩ mỹr. Kỹ tóg ãg kykũnh ke mũ sir, ãg jykre pãno tỹ tũg' he jé. ¹⁰Ëg tỹ: “inh pi(jé) ti vĩ mranh ja nĩgtĩ,” hen kỹ ãg tóg Topê to: “ti ón vë,” he mũ. Kỹ ãg pi(jé) ti vĩ ki kanhrãh há nỹtĩ'.

Jesus vỹ ěg tar han ke mũ

2 ¹Inh krě, sỹ tag rán vễ ājag mỹ, ājag tỹ ti vỹ mranh sór tũ nĩ jé. Kejĕn ājag kāmĩ ũ tóg Topĕ vỹ mranh tí hã ra. Kỹ ũ tóg ti jagfy vĩnh ke mũ ha, ěg jóg tỹ Topĕ mỹ, hã vỹ: Jesus Cristo, he mũ, ũn jykre kuryj jĕ ěn ti. ²Ti hã tóg ũ tỹ ti tén ke mũ ag mỹ vĕnh fĕg', ti tỹ ěg jagfy ter jé, ti tỹ ěg tỹ Topĕ vỹ mranh tỹ tũ' hen jé. Hã kỹ tóg ěg mỹ vĕnh pãte fón sór mũ. Hã ra tóg ěg tãvĩ mỹ vĕnh pãte fón sór tũ nĩ. Ēprã ke kar mỹ ke vĕ, mỹr'.

³Ha vé, ěg tỹ Topĕ vỹ kri fi kỹ ěg tóg vĕso: “vãhã inh ti ki kanhró nĩ,” henh ke mũ. ⁴Ũ tóg kejĕn: “ti ki kanhró sóg nĩ,” he tí. Hã ra tóg ti tỹ ěg mỹ nén tó ja ěn han tũ nĩgtĩ. Ti ón vĕ. Ti pi(jé) Topĕ tỹ ki hã tó mũ ki kanhró nĩ'. ⁵Ěg tỹ hã ra Jesus vỹ kri fi kỹ ěg tóg Topĕ to há nỹtĩ. Kỹ ěg tóg ti to há tãvĩ nỹtĩ ha ke gé. Tag han kỹ ěg tóg ti ki kanhrãn mũ, kỹ ěg tóg ti ki ge kỹ nỹtĩ ha, ha mĕ. ⁶Ũ tóg ti to: “ti ki sóg rã kỹ jĕ,” he tí. Kỹ tóg ti jykre han kãn mũ sir. Jesus Cristo tỹ nén han ja han kãn tóg mũ. Kỹ tóg ti ki rã kỹ jĕ sir.

Ěg tỹ jagnĕ to há nỹtĩnh ke

⁷Ājag to sóg há tãvĩ nĩ. Inh pi(jé) ājag mỹ nén ũ tãg rán sór mũ'. Nén ũ si rán sór inh mũ, ha mĕ. Vãsỹ Topĕ tóg ěg jyvĕn ja nĩgtĩ, ěg tỹ jagnĕ to há nỹtĩ jé. Cristo mur tũg ki tóg ěg mỹ tag tó ja nĩgtĩ, kỹ ājag tóg vãsỹ mĕ ja nĩgtĩ gé. ⁸Hã ra tóg tãg nĩ gé, sỹ ājag mỹ rán mũ tag ti. Cristo vỹ ěg mỹ tó mãn ja nĩ, ěg tỹ jagnĕ to há nỹtĩ jé, kỹ tóg ki króm ja nĩ, kỹ ěg tóg ti nón ki króm sór mũ gé. Ki hã tó ja ti nĩ, kỹ tóg nén ũ tãg ri ke nĩ, Cristo tỹ Topĕ nón tó mãn kỹ. Ha vé, komĕr hã tóg kurãg tí. Kurã kãtig kỹ ti kuty tỹ tũg' he tí, komĕr hã. Jesus tỹ ěg mỹ: “jagnĕ to há nỹtĩmĩ,” he to ken hã vĕ, hã vỹ: kurã, he mũ.

⁹Ũ tóg kejĕn: “inh hỹn kurã mĩ tĩg mũ ha,” he tí, hã ra tóg ã régre to jũ nĩ, ã irmão to. Ēn vỹ kuty mĩ tí nĩ ver. ¹⁰Ũ tỹ ã régre to há nĩ ěn hã vỹ kurã mĩ tĩg ke mũ. Ēn vỹ ã régre tỹ prãnh ke han ke tũ pĕ nĩ. ¹¹Ũ tỹ ã régre to jũ nĩ ěn vỹ kuty mĩ tí mũ. Kuty to vĕnh jykre han kỹ tóg jĕ nĩ ver. Kỹ tóg ã tỹ hĕ ra tĩg ke tag ki kãtig nĩ gé. Kyvó ri ke ti nĩ, ti tỹ kuty mĩ tĩn kỹ.

¹²Inh krě, sỹ ājag mỹ rán vĕ. Ājag tỹ Topĕ vỹ mranh ja ěn vỹ vĕnh pãte fón kỹ nĩ nĩ, Jesus Cristo tugrĩn. ¹³Ājag kāmĩ ke ũ vỹ sanh há nỹtĩ. Sỹ ājag mỹ rán vĕ gé. Ũ tỹ ã tỹ nén kar han mũ to hã kã nĩ ěn ki kanhró ājag tóg nỹtĩ. Ājag kāmĩ ke ũ vỹ kyrũ nỹtĩ. Sỹ ājag mỹ rán vĕ gé. Nén-Kórég vỹ ājag tỹ hĕ ri ke ja tũ nĩgtĩ.

¹⁴Inh krě, sỹ ājag mỹ rán vĕ. Ěg jóg mág ki kanhró ājag tóg nỹtĩ. Ājag kāmĩ ke ũ vỹ sanh há nỹtĩ. Sỹ ājag mỹ rán vĕ. Ũ tỹ ã tỹ nén kar han mũ to hã kã nĩ ěn ki kanhró ājag tóg nỹtĩ. Ājag kāmĩ ke ũ vỹ kyrũ nỹtĩ. Sỹ ājag mỹ rán vĕ. Tar ājag nỹtĩ. Topĕ vỹ ki kanhró ājag tóg nỹtĩ. Nén-Kórég vỹ ājag tỹ hĕ ri ke ja tũ nĩgtĩ.

¹⁵Ěg tỹ tag ki nén ũ kórég vĕg mũ tag ki vĕ'ĩ sór tũg nĩ, tag ki vĕnh jykre ki vĕ'ĩ sór tũg nĩ gé. Ěg tỹ tag to há nỹtĩn kỹ ěg tóg ěg jóg mág to há tũ nỹtĩ. ¹⁶Ēprã vĕnh jykre pi(jé) tỹ Topĕ jykre nĩ'. Ēprã vĕnh jykre hã vĕ, ha mĕ: nén ũ kar to ěn ěg tóg tí. Ěg tỹ nén ũ ve kỹ ěg tóg ěn mãn sór tí. Kỹ ěg tóg: “ũn mág

vỹ tỹ inh nĩ, isũ to, isỹ nén ù kar to,” he tĩ gé. Topẽ jykre pijé! Êprã vãnh jykre hã vẽ. ¹⁷Hã ra tóg kãnhmar tũ! henh ke mũ, ẽg tỹ nén vég mũ tag ti, ti tũg kỹ ẽg tỹ ne to én ke tóg tũ tĩ gé. Û tỹ Topẽ vĩ han tĩ ẽn vỹ tũ! henh ke tũ nĩ jãvo.

Û tỹ Cristo kato tẽ

¹⁸Inh krẽ!, kurã tỹ ẽgno vỹ kakó tí ha. Kurã ẽn kakó nĩn kỹ Cristo kato tẽ pẽ ẽn vãnh ven ke mũ. Tag mẽ ajag huri. Hã ra ag tóg hur vãnh vinven, ù tỹ ti kato tẽ mũ tỹ hẽn ri ke ag. Hã ki ẽg ki kanhró nỹti, kurã tỹ ẽgno kakó nĩ ti. ¹⁹Êg mré ke ag vẽ vẽ, ù tỹ ti kato tẽ mũ tag ag, hã ra ag tóg ón kỹ tỹ ẽg mré ke ja nỹtĩgĩ. Ag tỹ tỹ ẽg mré ke pẽ nỹti ra ag tóg ver ẽg mré mũnh ke mũ vẽ. Hã ra ag tóg ti tovãnh kỹ ti kato tẽ mũ ha. Hã ki tóg ve há ti, ag tỹ tỹ ẽg mré ke tũ nỹti ti.

²⁰Ājag kar vỹ vãnh vĩ há ki kanhró nỹti. Jagrẽ ajag nỹti, ùn jykre há ẽn kuprĩg tỹ, hã kỹ ajag tóg ki kanhró nỹti. ²¹Hã kỹ sóg ajag mẽ rán mũ, ajag tỹ ki kanhró nỹtĩn kỹ. Ājag pi(jé) ki kagtĩg nỹti! Û tỹ vãnh vĩ há tó mũ ẽn pi(jé) ón tĩ!

²²Kỹ ùn nỹ hỹn ón tĩ? Û tỹ ge vỹ ón pẽ han tĩ, ha mẽ: ù tóg Jesus to: “ti pi(jé) tỹ Cristo nĩ,” he tĩ. “Topẽ tỹ ti jẽnẽ pijé!, Topẽ kósĩn pijé!” he ag tóg tí gé, Jesus to. Û tỹ Cristo kato tẽ mũnh hã vẽ. Ẽg jóg to ag tóg ón tí, ti kósĩn to ke gé. ²³Û tỹ Jesus to: “ti pi(jé) tỹ Topẽ kósĩn nĩ!” hen kỹ tóg ẽg jóg mág ki kagtĩg nĩ gé. Kỹ ù tỹ Jesus to: “Topẽ kósĩn vỹ tỹ ti nĩ,” hen kỹ tóg ẽg jóg mág ti ki kanhró nĩ gé.

²⁴Vãsỹ ajag tóg ti vĩ mẽ vén. Ẽn kã jatũ tũg nĩ, ẽn hã mẽ ẽkrén nĩ. Ājag tỹ tag to tar nỹtĩn kỹ ajag tóg Topẽ kósĩn ki ge kỹ nỹti, ti panh ki ke gé. Hã kỹ ajag tỹ nén mẽ vén ja ẽn tovãnh tũg nĩ. ²⁵Ti hã vỹ ẽg mẽ tó ja nĩ, ẽg tỹ ẽg rĩr krỹg ja tũ venh ke ti.

²⁶Û ag tóg ajag krĩn kónãn sór mũ, ajag mẽ ón kỹ, ti vĩ tó kỹ. Hã kỹ sóg ajag mẽ vãnh rán tag han mũ. ²⁷Hã ra ajag tóg jagrẽ nỹti, Topẽ kuprĩg tỹ. Kỹ tóg ajag kanhrãn mũ sir, Topẽ kuprĩg ti. Ti hã vỹ ẽg kanhrãn tĩ, kỹ ù vỹ ẽg kanhrãn mãn ke tũ nĩ ha. Nén kar kãmén ti tĩ, ẽg mẽ, ẽg jagrẽ ti. Vãnh vĩ há hã tó ti tĩ. Ti pi(jé) ón tĩ! Ti tỹ ajag mẽ tó mũ ẽn hã mẽ mũmnĩ, ti tỹ ajag mẽ: “Jesus hã ki ge kỹ nỹtĩmnĩ,” hen kỹ.

²⁸Inh krẽ!, ti ki ge kỹ nỹtĩmnĩ. Kỹ tóg há tĩ. Kãnhmar ti kãtĩg ke mũ, kãnhmar ti vãnh ven ke mũ. Kỹ ẽg tóg mẽ'ãg ke tũ nĩ, ti kãtĩg kỹ, ẽg tỹ ti ki ge kỹ nỹtĩn kỹ. Ẽg mẽ'ãg kỹ ẽg tóg ti kãtĩg kỹ vãnh pigju sór mũ. Hã kỹ ke tũg nĩ. ²⁹Ti hã ne vãnh jykre kuryj hã mẽ tĩg ja nĩgtĩ! Kỹ ù tỹ vãnh jykre kuryj han mũ vỹ tỹ ti kósĩn nĩ. Tag mẽ ẽkrén.

Jesus jãvy ag

3 ¹Ha vé, ẽg jóg mág tóg ẽg to há tãvĩ nĩ, hã kỹ tóg ẽg to: “inh krẽ,” he mũ sir. Ti krẽ vỹ tỹ ẽg nỹti, Jesus jãvy. Hã kỹ ẽprã ke ù ag vỹ ẽg jykre ki kagtĩg nỹti. Ag pi(jé) Topẽ ki kanhró nỹti!, hã kỹ ag tóg ẽg jykre ki kagtĩg nỹti gé, ẽg tỹ tỹ ti krẽ nỹtĩn kỹ. ²Ājag to inh há tãvĩ nĩ. Ûri ẽg tóg tỹ Topẽ krẽ nỹti. Kãnhmar ẽg tóg ti mré nỹtĩnh mũnh mũ. Kỹ ẽg hỹn hẽ ri ke nỹtĩnh mũ, kãnhkã tá? Ha! Kar kỹ ẽg venh ke mũ, ti kãtĩg kar kỹ. Ẽn kã ẽg tóg tỹ ti hã pẽ nỹtĩnh mũ, ẽg tỹ ẽg kanẽ tỹ ti ve kỹ.

Ti ve pē han jé ěg tóg (ke) mū, kurā ěn kã. ³Ěg tỹ tag hã ve sór vĕ. Hã kỹ ěg vĕnh jãnhkrig ke mū, ěg tỹ ti jãnhkri nĩ ěn ri ke nỹti jé, vĕnh jykre pãno tovãnh kãn kỹ.

⁴Ěg tỹ ti vĩ mranh kỹ ěg tóg mranh mū sir, ti tỹ ěg mỹ nĕn tó ja ti. Hỹ, mranh kỹ ěg tóg mranh ti, ti tỹ ěg jyvĕn ja ti. ⁵Hã ra Cristo vỹ kãtig ja nĩ, ti tỹ ěg tỹ ti vĩ mranh ja tỹ tũg' he jé. Tag ki kanhró ěg tóg nỹti. Ti pi(jé) mranh ja nigti!, Topĕ vĩ ti, inhã. ⁶Ěg tỹ ti ki ge kỹ nỹtin kỹ ěg tóg mranh mãn sór tũ nĩ ha. Ũ tỹ ver mranh mãn sór kỹ tóg ti ve ja tũ nĩ, ti ki kagtĩg nĩ sir.

⁷Inh krĕ!, ker ũ vĩ jĕmĕ hĕ!, ũ tỹ ajag krĩn kónãn sór mū vĩ ti. Ũ tỹ vĕnh jykre kuryj han mū ěn hã vỹ kuryj nĩ, Topĕ kuryj nĩ ěn ri ke. ⁸Ũ tỹ Topĕ vĩ mranh mū ěn vỹ tỹ Japo mré ke nĩ. Japo hã ne Topĕ vĩ mranh tũgti!. Topĕ tỹ nĕn ũ kar han mū ěn kã Japo ne ti vĩ mranh vén!, kỹ tóg ũri ti vĩ mranh ti nĩ gé. Hã ra Topĕ kósın vỹ Japo tỹ nĕn han mū kókĕn ja nĩ, hã jé tóg mur ja nĩ.

⁹Ěg tỹ tỹ Topĕ krĕ nỹtin kỹ ěg tóg Topĕ vĩ mranh mãn sór vãnh nỹti ha, ěg tỹ Topĕ kuprĩg tỹ jagrĕ nỹtin kỹ. Topĕ vĩ mranh mãn sór ke tũ ěg nĩ ha, ěg tỹ tỹ ti krĕ nỹtin kỹ. ¹⁰Ěg tỹ ag jykre tugnỹm kỹ ěg tóg ũ tỹ tỹ Topĕ krĕ mré Japo krĕ ki kanhró nỹti. Ũ tỹ vĕnh jykre kuryj han jãvãnh ěn pi(jé) tỹ Topĕ krĕ nỹti!, ũ tỹ ã régre to há tũ nĩ ěn pi(jé) tỹ Topĕ krĕ nỹti gé!

Ěg tỹ jagnĕ to há nỹtĩnh ke

¹¹Tag mĕ ajag tóg, ajag tỹ Topĕ vĩ mĕ vén kỹ, hã vỹ: “jagnĕ to há nỹtĩmnĩ,” he mū. ¹²Ěg pi(jé) Caim jykre han ke mū!. Satanás mré ke ja vĕ, Caim ti, hã kỹ tóg ã jãvy tĕn. Ne nỹ hỹn ti jũ han, kỹ tóg ti tãnh? Jykre kórĕg ja ti nĩ, jãvo ti jãvy vỹ jykre há ja nĩ. Hã kỹ tóg ã jãvy tãnh, ti jykre há ěn to. Hã kỹ jagnĕ jykre vég mū ra jagnĕ to jũ tũg nĩ.

¹³Inh kanhkã!, ũ tỹ Topĕ ki rã tũ ag pi(jé) ěg to há nỹtĩnh mū!. Tag jé ajag mỹ kórĕg nỹ tũg hã ra. ¹⁴Ha vé, jykre tãg ěg nỹti, kỹ ěg tóg ěg rĩr krỹg ja tũ venh ke mū. Ěg jykre si tovãnh ěg huri. Tag ki kanhró ěg nỹti, ěg tỹ ũ tỹ ěg mré ti ki rã kỹ nỹti kar ag to há nỹtin kỹ. Ũ tỹ ěg mré Jesus ki rã mū to há tũ nĩ ěn vỹ venh ke tũ nĩ, ěg rĩr krỹg ja tũ ti. ¹⁵Ěg tỹ ũ to kórĕg tĩ nĩn kỹ ěg ti tĕn ri ke han huri. Kỹ ěg tỹ ũ tĕn kỹ ěg pi(jé) ěg rĩr krỹg ja tũ venh ke mū!, tag ki kanhró ajag nỹti. ¹⁶Cristo vỹ ěg tỹ jagnĕ to há nĩ tag tỹ ěg kanhrãn. Vĕnh fĕg tóg, ũ tỹ ti tĕn ke mū ag mỹ, ti tỹ ěg jagfy ter jé. Hã kỹ ěg tóg ěg mré ke jagfy ter ke tag to tar nỹtĩnh ke mū gé, ũ tỹ ag jagfy ěg tĕn sór kỹ. ¹⁷Ha vé, ũ tóg tag ki nĕn ũ mág vég tĩ. Jãvo ti mré Jesus ki rã kỹ nĩ ũ tóg tỹ nĕn ũ tũ nĩ. Hã ra tóg ti jagãgtãn sór tũ nĩ. Ěn vỹ Topĕ to há tũ nĩ gé.

Kanĕ jur ke tũ ěg nĩ

¹⁸Inh krĕ!, ajag vĩ tãvi tỹ jagnĕ to há nỹti tũg nĩ, krĩg mỹ. Jagnĕ ki rĩr mnĩ. Jagnĕ to há tãvi nỹti to ken hã vĕ. ¹⁹Kỹ ěg tóg ki kanhró nỹti, ěg tỹ tỹ ũ tỹ ki hã tó mū ěn krĕ nỹtin kỹ. Kỹ Topĕ tóg ěg kanĕ jun mãn ke tũ nĩ ha. Jatu ěg nỹti ha, ěg tỹ jagnĕ to ha pĕ nỹtin kỹ. ²⁰Kejĕn ěg tóg ěg kygnĕ ja to ěkrĕg tĩ. Hã ra Topĕ tóg ki kanhró kar nĩ. Ěg kãfór tóg nĩ, Topĕ ti, hã kỹ tóg kãnhmar ěg vóg kónãn ke tũ nĩ. ²¹Inh krĕ!, kejĕn ěg tóg Topĕ jykre ki króm há han tĩ. Kỹ ěg tóg: “inh hỹn

kygně ja tũ nĩ,” he tí. Kĩ ěg tóg jatun mĩ Topě mré vēmén tí sir. ²²Kĩ tóg ěg mĩ nĩm ke mũ, ěg tý ti mĩ nén to vĩ mũ ti. Ti tý ěg mĩ nén tó mũ ěn hã han ěg tóg tí, nén tý ti mĩ há nĩ hã ki króm ěg tóg tí, hã kĩ ěg tóg jatun mĩ ti mĩ nén ù to vĩ tí. ²³Ti tý ěg mĩ nén tó mũn hã vė, ha mẽ: “inh kósın tý Jesus Cristo ki gemnĩ, kĩ jagně to há nýtĩmnĩ,” he ja ti nĩ ěg mĩ. ěg tý tag han mũ hã ve sór ti mũ. ²⁴Ěg tý ti vĩ ki króm kĩ ěg tóg sir ti ki ge kĩ nýtĩ. Kĩ Topě tóg tý ěg mré ke nĩ sir. Ā kuprĩg jěně ja tóg nĩ ěg mĩ, kĩ ti kuprĩg tóg ěg mĩ tó tí, Topě tý tý ěg mré ke nĩ ti.

Topě kato tẽ mũ ag kuprĩg ti

4 ¹Ājag to há tãvĩ sóg nĩ, ha mẽ. Kãnhmar ù vĩ jěmě sór tũg nĩ, ti tý: “Topě kuprĩg vỹ tý inh jagrě nĩ,” he mũ ra. Koměr hã ti vĩ tugnỹm, ājag tý ve jé, ti tý Topě kuprĩg tý jagrě nĩ ti. Ón kĩ Topě vĩ tó tí ag vỹ mĩ mũgtĩ, ù tý hěn ri ke ag, ha mẽ. ²Ū tý Topě kuprĩg tý jagrě nĩ ěn vỹ tag tó tí, ha mẽ: “Jesus Cristo ti, Topě kósın ti vỹ ěg ri ke han kĩ mur ja nĩ,” he ti tí, ù tý Topě ki rã kĩ jě ti. ³Ū tý Jesus to tag tó tũ nĩn kĩ tóg Topě kuprĩg tý jagrě tũ nĩ. Cristo kato tẽ tí ěn kuprĩg tý tóg jagrě nĩ, ha mẽ. ěn vỹ vėnh ven ke mũ, ù tý ti kato tẽ mũ ti. Tag mẽ ājag huri. Hã ra tóg hur jun, kĩ tóg mĩ tí ha.

⁴Inh krě!, Topě tũ vỹ tý ājag nýtĩ. Ón kĩ Topě vĩ tó tí ag fĩn rãm ājag huri. Ha vé, Topě kuprĩg tý ěg jagrě vỹ ag jagrě kãfór nĩ. Hã kĩ ěg tóg ěg kato tẽ ag fĩn rãm kãn huri. ⁵Topě ki rã tũ ag vė, hã kĩ ag tóg ù tý Topě ki ge tũ ag jykre tó tí, kĩ ù tý Topě ki ge tũ ag vỹ ag vĩ jěmėg tí. ⁶Ag jāvo ěg tóg tý Topě tũ nýtĩ. Kĩ ù tý Topě ki kanhró nĩ ěn vỹ ěg vĩ mėnh mũ. Ti tũ tũ ag vỹ ěg vĩ mẽ sór tũ nýtĩ. Hã ki ěg tóg ki kanhró nýtĩ, vėnh jagrě tý vėnh vĩ há tó mũ ti, vėnh jagrě tý ag tý kygně han tí ěn ti ke gé.

Topě vỹ ěg to há nĩ vén

⁷Ājag to sóg há tãvĩ nĩ, ha mẽ. Jagně to há nýtĩmnĩ. ěg tý jagně to há nýtĩn kĩ ěg tóg Topě jykre han tí. Ti hã vỹ ěg to há nĩ vén. ěg tý jagně to há nýtĩn kĩ ěg tóg tý Topě krě nýtĩ, Jesus jāvy, kĩ ěg tóg Topě ki kanhró nýtĩ gé. ⁸Ěg tý jagně to há tũ nýtĩn kĩ ěg tóg Topě ki kagtũg nýtĩ, kĩ ěg ti ki rã ja tũ nĩ. Topě jykre vė, hã vỹ: ěg to há, he mũ, ti tý ěg to há nĩ sór nĩn kĩ. Hã kĩ ěg tóg jagně to há nýtĩnh ke mũ gé. ⁹Tag to ěg tóg ki kanhró nýtĩ, Topě tý ěg to há nĩn ki, ha mẽ: ā kósın pir jěně ja tóg nĩgtĩ, Topě ti, ti tý ga kri mur jé, ěg tý ti kósın tugrĩn rĩr krỹg ja tũ ěn ve jé. ¹⁰Ěg pí(jé) ti to há nýtĩ ja nĩgtĩ! Ti hã ne ěg to há nĩ vén!, hã kĩ tóg ā kósın jěně, ti tý ěg jagfỹ ter jé, ti tý ěg tý ti vĩ mranh tý tũg! he jé. Ti tý ěg to há nĩn hã vė.

¹¹Ha vé, inh krě!, Topě vỹ ěg to há tãvĩ nĩ. Hã kĩ tóg há nĩ gé, ěg tý jagně to há nýtĩn kĩ. ¹²Ū pí(jé) Topě vėg tí! ěg tý jagně to há nýtĩn kĩ tóg hã ra ěg ki ěmãn mũ ha, Topě ti. Kĩ ěg tóg ti to há tãvĩ nýtĩnh mũ gé sir, ěg tý jagně to há nýtĩn kĩ.

¹³Topě vỹ ā kuprĩg tý ěg jagrě han. ěg jagrě tag to ěg tóg ti tý ěg ki ěmãn mũ tag ki kanhró nýtĩ, ěg tý ti ki ge kĩ nýtĩ tag ti ke gé. ¹⁴Topě vỹ ā kósın jěně, ti tý ga kri mur jé, ti tý ěg kren han jé. Tag ve sóg, hã kĩ sóg tó mũ. ¹⁵Ū tóg Jesus to: “Topě kósın vė,” he tí. Topě vỹ ti kãkã ěmã nĩ, ù tý tag tó mũ ěn

kākā, kŷ tóg Topē ki rā kŷ jē nī gé. ¹⁶Topē vŷ ěg to há nī, tag ki kanhró ěg tóg nŷtī. Kŷ ěg tóg ti vī kri fig mŷ gé, ti tŷ ěg mŷ: “ājag to sóg há nī,” hen kŷ.

Topē vŷ ěg to há nī. Kŷ, ěg tŷ ti to há nŷtīn kŷ ěg tóg ti ki ge kŷ nŷtī, kŷ Topē vŷ ěg ki ěmān ha. ¹⁷Topē vŷ ěg tar han sór mŷ, ěg tŷ ti to há tāvī nŷtīn jé. ěg tŷ ti to há nŷtī ki kygněg tŷ nīn kŷ ěg tóg kurā ěn kā kaně jur ke tŷ nī, ti tŷ ěg jykre tugnŷm ke kurā ěn kā. Cristo tŷ ga kri tīg kŷ nén han mŷ ěn ri ke han jé ěg tóg (ke) mŷ, hā kŷ ěg tóg kaně jur ke tŷ nī. ¹⁸Ěg tŷ Topē to há nŷtīn kŷ ěg kaně jur ke tŷ pē nī. Ha vé, ěg tŷ Topē to há nŷtīn kŷ kygněg tŷ nŷtīn kŷ ěg tóg mŷměg ki kagtīg nŷtī gé. Topē tŷ ěg vóg kónān ke to ěg tóg ti kaměg ke mŷ. Ěg mŷměg vŷ ěg vēšŷrenh han mŷ.

¹⁹Ti hā vŷ ěg to há nī vén inhhā, hā kŷ ěg tóg ŷri ti to há nŷtī ha. ²⁰Ū tóg kejěn: “Topē to sóg há nī,” he tī. Hā ra tóg ŷ tŷ ěg mré Jesus ki rā kŷ jē to kórég nī. Ti ón vē. Ěg régre mré ěg mŷgtī, gan kri. Ěg tŷ ěg régre to há tŷ nŷtīn kŷ ěg hŷn hē ri kenh ke mŷ, ěg tŷ Topē to há nŷtī jé, ěg tŷ ŷn vég tŷ ěn to? Ěg tŷ ěg régre to há tāvī nŷtīn kŷ, hā kŷ ěg tóg Topē to há nŷtī gé. ²¹Tag tó ja tī nī, ěg mŷ, ěg tŷ ti vī ki króm jé, Topē ti, ha mē: “ājag tŷ Topē to há nī sór kŷ ājag régre to há nŷtīmŷnī gé,” he ja ti nī.

Ū tŷ Jesus ki rā tŷ ag jykre fīn rām ěg huri

5 ¹Ěg tŷ Jesus to: “Cristo vŷ tŷ ti nī, Topē kósīn vŷ tŷ ti nī,” hen kŷ ěg tóg tŷ ti jāvy nŷtī. Kŷ ěg tŷ ěg jóg mág to há nŷtīn kŷ ěg tóg ti krě ŷ ag to há nŷtīnh ke mŷ gé, ŷ tŷ ěg mré ti ki ge kŷ nŷtī ag to. ²Ěg hŷn hē ri kenh ke mŷ, ěg tŷ Jesus jāvy ŷ ag to há nŷtī jé? Topē to ěg há nŷtīnh mŷ, kŷ ěg tóg ti vī ki króm ke mŷ gé. Jagně to há to ken hā vē. ³Ěg tŷ Topē to há nŷtī sór kŷ ěg tóg ti vī ki króm ke mŷ gé. Ti to há nī to ken hā vē. Ti vī pi(jé) kufy nī!, ěg tŷ nén ki króm ke ti. ⁴Jesus jāvy ag ne ŷ tŷ ti ki ge tŷ ag jykre fīn rām tī!. Ěg hŷn hē ri kenh mŷ, ěg tŷ ti ki ge tŷ ag jykre fīn rām jé? Topē ki rā jé ěg tóg ke mŷ. Ěg tŷ ti ki rā kŷ ěg tóg hur fīn rām. ⁵Ěg tŷ Jesus to: “Topē kósīn vŷ tŷ ti nī,” hen kŷ ěg tóg fīn rām ke mŷ, ŷ tŷ ti ki ge tŷ ag jykrén fīn.

Jesus vŷ tŷ Topē kósīn nī

⁶Jesus Cristo tŷ ga kri tīg kŷ tóg goj tŷ vēnh kype kŷ jē, kŷ ti kyvénh tóg ti ki kākutě gé, ti ter kŷ. Kŷ tóg nén ŷ régre han ja nī. Nén ŷ pir pijé!. Ti vēnh kype tāvī pijé!. Ti vēnh kype vŷ nī, kar kŷ ti kyvénh ti ke gé, ti tŷ ěg jagfy ter tag ti. Kŷ Topē kuprīg vŷ ěg mŷ ti kāmén tī gé. Ti pi(jé) ón tī!, Topē kuprīg ti. ⁷Kŷ ěg ŷ tāgtŷ tugrīn ti tŷ tŷ Topē kósīn nī ki kanhró nŷtī, ⁸Topē kuprīg tugrīn, kar kŷ ti vēnh kype ja tugrīn, kar kŷ ti kyvénh tugrīn ke gé, ti tŷ ěg jagfy ter kŷ. Nén ŷ pir hā tó ag tī ti to, hā vŷ: “Topē kósīn vŷ tŷ ti nī,” he mŷ.

⁹Ěprā ke ag tŷ ěg mŷ nén ŷ tó kŷ ěg tóg ag vī kri fig tī. Topē vŷ ěprā ke ag vī káfór nī, kŷ ti vī vŷ ki hā ke tāvī nī gé. Kŷ ŷ tŷ ěg mŷ Topē kósīn tó mŷ vŷ tŷ Topē ti nī, hā kŷ tóg tŷ vēnh vī há nī. ¹⁰Ěg tŷ Topē kósīn ki rā kŷ ěg tóg ti ki kanhró nŷtī. Ti ki rā kŷ ěg tóg to jykrén há han ke mŷ. Topē hā vŷ ā kósīn

kāmén tí. Ēg tỹ ti ví to: “vĕnh ví há vĕ,” he sór tú nĭn kỹ ěg tóg ti to: “ti ón vĕ,” he mũ sir, ěg tỹ ti ví kri fi sór tú nĭn kỹ. ¹¹Tag tó ti tí, Topĕ ti, ha mẽ. “Ājag tỹ rĭr krỹg ja tú venh ke han jé sóg ke mũ. Inh kósın ter ja to ājag tóg rĭr krỹg ja tú venh ke mũ,” he tóg, Topĕ ti. ¹²Ēg tỹ ti kósın ki ge kỹ ěg tóg ěg rĭr krỹg ja tú venh ke mũ. Ēg tỹ jăvo ti ki ge tú nĭn kỹ ěg tóg rĭr krỹg ja tú venh ke tú nĭ.

Topĕ vỹ ěg ví jĕmĕg tí

¹³Ājag hă ne Topĕ kósın ki ge kỹ nỹtĩ!. Kỹ ājag tóg ěg rĭr krỹg ja tú venh ke mũ. Sỹ tag tó sór vĕ, ājag mỹ, hă kỹ sóg rán mũ. ¹⁴Ēg tỹ ti mré vĕnh jykre pir han kỹ ěg tóg jatun mỹ ti mré vĕmén ke mũ gé. Kỹ ěg tóg ti mỹ nĕn ũ kar to ví tí. Nĕn tỹ ti mỹ há nĭ ěn hă to ví jé ěg tóg ke mũ. Ēg tỹ ti mỹ nĕn tỹ ti mỹ há nĭ ěn hă to ví kỹ tóg ěg ví mĕnh ke mũ sir. ¹⁵Ti tỹ ěg ví mẽ kỹ tóg ěg mỹ han ke mũ gé sir. Ēn kă ti pí(jé) han ke tú nĭ!, ěg tỹ ti mỹ nĕn to ví mũ tí.

¹⁶Kejĕn ěg tóg ěg mré Jesus ki ră kỹ jĕ ũ vég tí, hă ra tóg Topĕ ví mranh mũ. Hă ra tóg Topĕ tovănh sór tú nĭ. Topĕ tovănh sór tú ra tóg kygnĕ kỹ mranh mũ, Topĕ ví ti. Kỹ ěg tóg Topĕ mré vĕmén ke mũ, ti to, kỹ Topĕ vỹ ti krĭn ke mũ, ti tỹ ti jykre kórĕg tovănh jé, ti tỹ ěg rĭr krỹg ja tú ve jé. Ēg kămĭ ũ tóg kejĕn Topĕ tovănh pĕ han mũ. Ēn to sóg ājag mỹ: “ti to Topĕ mré vĕmén,” he sór tú nĭ. ¹⁷Ēg tỹ vĕnh jykre vĕnhmỹ sĭ han kỹ ěg tóg ti ví mranh tí. Ēg tỹ sĭn kỹ mranh mũ ra tóg kórĕg nĭ, kỹ tóg hă ra ěg mỹ vĕnh păte fón sór mũ, kỹ ěg tóg ti tovănh pĕ han ke tú nĭ. Ēg tỹ ti tovănh pĕ han kỹ ěg nũgme ki văr ke mũ, infernon ki.

¹⁸Ēg tỹ tỹ Jesus jăvy nỹtĭn kỹ ěg tóg ti ví mranh măn sór tú nĭ. Ēg jy nĭgăn ti tí, Topĕ kósın ti, Satanás tỹ ěg vóg tú nĭ jé. ¹⁹Ēg hă ne tỹ Jesus jăvy nỹtĩ!. Tag ki kanhró ěg tóg nỹtĩ. Jăvo ěpră ke ũ ag vỹ tỹ Satanás krĕm ke kar nỹtĩ.

²⁰Topĕ kósın vỹ kătĭg ja nĭgtĩ. Tag ki kanhró ěg tóg nỹtĩ. Ēg nĭgrĕg róm tóg, ěg tỹ Topĕ ki kanhrăn jé, Topĕ pĕ ti. Ti ki ge kỹ ěg nỹtĩ, ěg tỹ ti kósın tỹ Jesus Cristo ki ge kỹ nỹtĭn kỹ. Ti hă vỹ tỹ Topĕ pĕ nĭ, Jesus Cristo panh ti. Ti hă vỹ ěg tỹ ěg rĭr krỹg ja tú venh ke han tí.

²¹Inh krĕ!, vĕnh kăggră tỹ topĕ jykre han sór tũg nĭ. Hă vĕ, sỹ ājag mỹ nĕn rán sór mũ ti.